

Cuhva cha cua sandundoo yo yuhu yo

Cha nini xaan cha cua sandundoo yo yuhu yo chi nuhun yo, vati tacan cua cuu sachehe vaha yo cha chachi yo, soco tu ña cua nacata yo nuhun yo chi vahla yuhu yo cua cachi lili chi, ta cuee cuee cua naa ihni ñuhun yo.



***Sandundoo yuhu cun**

Cha chachi lili nuhun yo cuu chi iin cuehe. Ta cha ndoo chehle cha chachi yo nu nuhun yo cua cuhva xaan chi tundoho ta cha cua cachi yo a cua coho yo cha vichin a cha ihni a cha cua cachi uhvi yo.



Ta nda cha cuu sacutu chi nuun yo, tu cha cua ndu cahvi xaan chi.

Tu ña sandundoo yo yuhu yo cuu cua quehni cuehe vahla yuhu yo, ta cua sacutu chi chi, ta cua quee niñi, ta cuee cuee ca cua cuu ni cahvi xaan ca chi, ta nda cua nda iqui yuhu yo cuu ni cahvi, ta cua quee ndacua, ta cua cuitaya nuhun yo, ta quini xaan cua chahan chi, ta cha cuenda ndihi chacan cua cuu naan chi.

Ta tu chitu vahla yuhu yo an cuaha xaan chi, ta quee niñi ta cha nacata cun nuhun yo, iyo chi cha cua cuhun yo clinica cha na cua ndehe tiñu ñuhun yo, ta cua sanahan ñi chihin yo cuhva cha cua nacata yo nuhun yo, ta cuhva cha cua cuatiñu yo yuhva cha cua sandundoo cun nuhun yo.

Ta cha cahvi xaan chi cua tachi ñi chihin yo nuun ra tava nuhun ñivi, vati cua sandundoo ra yuhu yo, ta cua cati ra yoso cuhva cua sandundoo yo nuhun yo, ta vaha xaan cua ndoo yuhu yo.

Tu cha ndehe cun cha tuun nuun chi an yaha nuhun yoso cun chi ndihi ca nuhun cun an chaha xaan chi tundoho, ta uhvi chi ta cha chachi cun cuni cati chi ti cha chachi lili chi, ta chacan nini xaan chi cha cua cuhun cun nuu ra ndehe nuhun ñivi, ta cua sandaha ra chi, ta cua tiso vaha ra nu chaha chi tundoho.

***Cuhva cha nini xaan cha cua cumi cun yuhu cun:**

.....Cua nacata cun nuhun cun ndihi hora cha cua cachi cun.

.....lyo chi cha cua cuhun cun nuu ra ndehe nuhun[yuhu] ñivi, masi ituhun chaha tichi iin cuiya.

.....Ña cua cachi xaan cun cha vixin an cahmi cun xanu an cua coho cun ndixi.